

SCRIPTA

Numéro Scripta : 4727

Auteur(s) : Philippe II Auguste, France (roi)

Bénéficiaire(s) : Pont-de-l'Arche, Notre-Dame de Bonport (abbaye)

Genre d'acte : charte

Authenticité : non suspect

Datation : 1216, mars

Lieu d'émission : Pont-de-l'Arche

Action juridique : donation

Langue du texte : latin

Analyse

Philippe Auguste donne aux religieux de Bonport la septième partie du revenu de son moulin de Pont-de-l'Arche, en échange du droit d'y moudre le mercredi de chaque semaine.

Tableau de la tradition

Éditions principales

a. Andrieux Jules, *Cartulaire de l'abbaye royale de Notre-Dame de Bon-Port de l'ordre de Cîteaux au diocèse d'Évreux*, Évreux, Hérissé, 1862, n° XLVI, p. 47-48.

Texte établi d'après a

In nomine sancte et individue Trinitatis, amen.

Philippus, Dei gracia, Francorum rex.

Noverint universi, presentes pariter et futuri, quod nos concesseramus monachis Beate Marie de Bono Portu, in perpetuum elemosinam, ut ipsi, singulis septimanis, die mercurii cum nocte sequente ejusdem diei, libere et quiete, absque multa et omni exactione seculari, molerent in molendino nostro de Ponte Arche. Quia vero jam dicti monachi nobis conquesti sunt quod molendinarii nostri, predicta die mercurii, utensilia ejusdem molendini et apparamenta eis denegabant, unde multa eorum impediabatur, et damnum non modicum incurrebant. Eisdem monachis, intuitu pietatis, concedimus ut ipsi habeant et possideant de cetero septimam partem omnium proventuum ejusdem molendini, pacifice et quiete ; quorum medietatem percipient singulis annis in Pascha, et alteram medietatem in festo Sancti Michaelis, per manum illius qui prefatum molendinum custodiet, vel habebit ad firmam. Quod si de valore firme proventuum ejusdem molendini dicti monachi dubitarent, volumus et precipimus ut ille qui molendinum custodiet vel habebit ad firmam, super hoc faciat eis fidem per suum sacramentum. Sciendum est preterea quod si prefati monachi proprium bladum suum ad predictum molendinum molerent, moltam inde reddent sicut alii extranei ad molendinum illud molentes.

Quod ut perpetuum robor obtineat, sigilli nostri auctoritate et regii nominis karactere inferius annotato, presentem paginam roboramus.

Actum apud Pontem Arche, anno Incarnati Verbi millesimo ducesimo quinto decimo, mense marcio, regni nostri tricesimo septimo.

Abstantibus in palatio nostro quorum nomina supposita sunt et signa: Dapifero nullo ; signum Guidonis, buticularii ; signum Bartholomei, camerarii ; signum Droconis, constabularii.